

فرصة ثانية

فرصة ثانية

ندى محمود



اسم الكتاب: فرصة ثانية
 اسم الكاتب: ندى محمود
 تدقيق لغوي: فريق المكتبة العربية
 تصميم الغلاف: مروة صلاح
 الإخراج الفني: جمال عبدالرحيم
 الطبعة / الأولى - ٢٠٢٠ م
 رقم الإيداع: 11058 / 2020
 الترقيم الدولي: 978 - 977 - 85706 - 9 - 4



arabiclibrary2017@gmail.com

almaktaba79@gmail.com



Facebook.com/arabiclibrary2017



01030365801 - 01014977934

جميع الحقوق محفوظة

للمكتبة العربية للنشر والتوزيع، ولا يجوز استخدام أي من المواد التي
 يتضمنها هذا الكتاب، أو استنساخها أو نقلها، كلياً أو جزئياً، في أي شكل
 وبأي وسيلة، دون الحصول على إذن خطي من الناشر.

إلى كل من نالَ من الحبِ
فنالَ الحبُّ منه..

إلى قلوبٍ أرهقها النَّصيبُ..
إلى كاتبٍ لم يكتملِ نصُّه..

إلى عاشقٍ ضلَّ طريقه..

إلى كُلِّ من رُدَّ إلى قلبه البصرُ
فعرِّفَ قدرَ نفسه

وحرَّم على قلبه الأذى

فزهَّدَ الحب

إليكِ سؤالي عزيزي القارئ:

"هل لمن أطفأ بأفعاله جانبك المضيئ

وترك أثره في قلبك ندبات

فرصة ثانية؟!!"

إهداء

إلى من خُلقت لها حروف الشكر والعرفان ..
إلى من علمتني سحر الكلمات ..
إلى من زرعت بداخلي نبتة حب ..
وها قد حان وقت الحصاد ..
إليك القلم وإليك الشعر ..
إلى نبض قلبي وأمانه ..
إلى أمي .

فرصة ثانية

خَدت ضربة .. وقعت أرض
العقارب في الساعات اتكسروا
والسنين بأمرك انتَ وَقَّوْا عَد
إِتبْنَالِي فِي طَرِيقِي أَلْف سَد
وَأَنْتَ طَبْعاً كُنْتَ فَاكِر
إِنِّي بَعْدَكَ شَيْءٌ ضَعِيف
وَإِنْ بُعْدَكَ مَوْتٌ مُخِيف
خِلَاصٌ سَرَحْتُ ؟!
طَبِّ مَتَخِيلِشْ تَانِي لَوْ سَمَحْتُ
الْحَقِيقَةُ إِنْ بُعْدَكَ أَلْفٌ خَيْر
وَإِنِّي فِي غِيَابِكَ بَقِيتُ أَقْوَى كَثِير
حَاسَةً نَفْسِي كَأَنِّي طَيْر

واتفتح له باب قفص

شاف السما

بعد ما عاش عمره أسير

ف جاي تتناقش ف إيه ؟

جاي تتناقش في إيه ؟!

فرصة تانية ؟!!

الحياة دي يا بني فانية

والسنين بتجيب سنين

والموت بيعجي مرة واحدة

ف مين يروح له مرتين !!

هل شفت أعمى بعد أما فتَّح

إختار يعيش من غير عينين ؟

فرصة تانية !!

طب بس تانية..

شفت نفسك في مرايتي؟
قرأت دورك ف الحكاية !
أنا كنت وهبالك روايتي
و كنت كتبالك بطولة
طلعت .. ضيف
شئ سخيف
مش كدا!!
ولا كنت تتخيل
ولا كنت تتصور
إن الزمن دور
أصلك كسرت إزاز
ف طبعي تتعور
يمكن أنا الغلطان
إن كنت صدقتك

يمكن صحيح أعمى

لو وقتها إختارتك

الوضع كان مقلوب

دلوقتي إتصحح

القلب أعمى غشيم

دلوقتي .. أنا مفتح !

معاهدة سلام

يوم جديد ..

والشمس تشرق معلنة

إن البداية م العدم مُمكنة

بنوتة في العشرين يا دوب

بتفتح عنيتها ..

تلقى بدل النور .. حروب

بنت في العشرين صحيح

لكن توهتها في الدروب

تسرق ليالي عمرها

مين م البنات في سنها

خاف م الشروق !

مين زيتها !

خافت تدوق من الفرح

يمكن تخسره
 بتخبى دايم قلبها
 للحد الي يقدره
 أو بمعنى أصح يعني..
 بتستخسره ..
 في الجرح والي ميصونوش
 بتقول تملي لنفسها
 قاعدة واحدة ..
 كل الوشوش أغراب
 قاعدة اتنين ..
 الحب أصله سراب
 والقلب يا الله
 ملوش سواك أحباب
 صارت بتبنى م القواعد سور

وحصون بتحمى قلبها
مع إنها ..
ولا لحظة حسّت بالأمان
يوم جديد
والشمس تشرق معلنة
الحرب على كل القيود
وجنود تداهم حصرها
مين العدو !
نظرة من بني بشر
قدرت تعدي جسرهما
حسّت خطر.. بعدت
فقرب م القمر
وقطفلها م الليل نجوم
إتعجبت من روحها لما اتبسمت

ثم أوام إستسلمت
طبّطبت روحه عليها.. إطمّنت
حب روحها... فانتصر
إنه يا سادة القدر
وكأنها كانت عدوة لنفسها
وإتحولت الحرب بيه
لهدنة ومعاهدة سلام
مبقتش محتاجة لحيطان
تسند عليها ضعفها
صارلها عكاز وبيت
ولا يوم في عمره ملّها
ويوم جديد.. والشمس تشرق معلنة
إن البداية م العدم ..
أكيد وحتماً ممكنة ..

وصاىة غدر

البعد عمره ما قِدر
يعلم قلوبنا الجفا
والجفا عمره ما فشل
يبعد قلوب عن بعض
وأنا وإنت كنا الضد
أنا كنت لك في الحزن.. أم
إيديها مجروحة
لكنها تططب
تفدي دموع عينك
وتشيل مكانها الهم
وإنت في أحزانها كثر بتتهرب
برافو أوى .. إهرب
متخافش عليها م الوحدة

ولا بلاش الهرب
طلع رصاصة الغدر
وخبيها في الرحمة
وقول في الزحمة
إنك .. محبتهاش
من غير هروب .. إضرب
موت لها القلب الغشيم
إلي في يوم حبك
ومات في حبك عاش
فتَّح عينيها عشان
تشوف سواد قلبك
فتح عنيها عشان
عماها كان ذنبك
عِشَّتْها في الوهم

ورسمت بيه الأحلام
طيرتها في السما
وجاي دلوقتى تقول
دا كله كان أو هام !!
أنا عمري حبيتك ؟
طب قولتلك يعني ؟
قلت كلام كثير ..
قلت كلام كثير
صداه بيوجعني
إوعاك توقف قسا
قول .. قول وسمعني
برغم كل الوجع
كَمَل وفوقني
ولا أقولك أنا !

مش إنت أصلا الي حبيته
ولا إنت الي كنت له بيته
ولا ليك معايا سر جوه البير
أيوه إختلفت كثير
مبقتش متفاجأة..
مش باقي على حاجة؟
أنا بردو مش هبقى !

عهد

ما بين نظرة وحنين في البعد
وحبل الود فجأة إتمدّد
وأصبح يلزمه الإلتين
بدون ما حد يظلم حد
يشدوا الحبل م الطرفين
بدون ما البعد يرخي الشد
ويبقى الشد م الطرفين
بنفس العزم نفس الأد
ونفس الخوف من الفرقة
ونفس الحرص على وصله
ولا أبداً تكون فارقة
مين منهم وصله وفين أصله
عشان الوصل دا أصلاً

لا بإيديهم ولا منهم
كما النار الى بتقيدهم
وعاشقينها
وحبل بيدمي في إيديهم بأشواكه
ولسه بردو ماسكينها
وتجرح مهما تجرحهم وحابينها
ومادام الوصال إتمد
تبقى اللعبة قلبت جد
ولزم الوعد
فنكتب عهد
لا يطول الزعل بيننا
ولا يدخل فراق بيننا
وف عز المطر والرعد
مفيش إنت وفيه إحنا

ونبقى بعض في المحنة

ونعند بس ع الايام

..ومش على بعض

ومادام الوصال إتمد

إكتب فى نهاية العهد

نكون أذه

تطول بينا السنين فى العد

هيقوى الحبل

ونعدل كفة الأيام

ولو مالت..هنسند بعض

شمس وقمر

النجوم في مكانها لكن
 أقرب كثير منك
 والقمر في ليله ساكن
 بشكى ليه البعد عنك
 بحكيله دايمًا وبقوله إنك
 حاجه حلوة في كل شيء
 في عز توهتي .. بتكوني الطريق
 في الوحدة بتكوني الونس
 بتكوني الصديق
 وإن العمر من غيرك
 إن مشى .. ماشي بطيء
 حاسس بضيق .. صوتي إتخفق ..
 وفجأة دمعُه جوه عينه .. إتخلق

رد القمر بضحكة بلتها الدموع
تعرف يا واد..

قصتك دي عندي منها
بس مداريها ورا الضلوع
شايف يا واد النور دا كله
مش بتاعي.. كله نورها
والل بيخليلي لازمة بردو هي
بس مش عارف أزورها..!
أهل النهار أهلها
رافضين أروح عندها
والليل أبويا لو أسيبه يختفي
وإن هي سابت أهلها
الدنيا دي هتتظفي
والنتيجة هي هي

إني مش قادر أزورها
كل الي بقدر أعمله
إني بلمح حمار عنيتها
وهي ماشية قبل مني
ودمع روحها تسيلي ضيئه
فباخده جوه عنيا نني
كل الي عاوزك تفهمه إني
عمري ما حبيت زيها
مع إننا شمس وقمر
رفض القدر.. يسمح لهم بمعاد
وانتوا كمان زيّنا
شمس وقمر.. وبعاد

قلب ورق

قلب عامل من حديد

وهو أصلاً من ورق

قرر في عز ضلّمته ينور لهم

.. قام إتحرق

وأما انطفئ نوره وبانت ضلّمته

راحوا.. وونسه إتسرق

ساح الحديد مفضلش منه غير الورق

لملم دموعه والي باقى م الي فات

والي كان فاضله منهم.. ذكريات

واستخبي من جروحه

وفات ما بين الحاضرين

ينعي روحه

وإنه هيعيش.. بس آله

أما عن نبضه فمات
كان قرار منه شجاع
إنه هيدق بسكات
وإنه لو جه يوم وحن
بردوا هيحن ف سكات
هو آه إشتاق ساعات
لكنه بان قدام عيونهم من حديد
ودارى جوّاه الورق
حتى إن كان فرح عمره إتسرق
هو بردوا الذنب ذنبه لما حب
وغَلَطُهُ إنه إتدلّق
كان مبيغمضش عينه عن راحتهم
وان كفوف الكون سابتهم
هو كان رافض يسيب

هو كان نعم الحبيب
بس كان غَلَطُهُ الأساسي
هو خوفه..
مالي بيسموه نصيب !

كومبارس

كلنا في حياة بعضنا فترات
والدنيا بقت تشبه مسرح
حفلة كبيرة والناس فقرات
تقعد تتفرج وف صغرك
تضحك على مشهد مش فاهمه
تكبر.. تفهم.. يقلب ب عياط
ترفض تاخذ دور كومبارس
فتكون واحد م الجمهور
مع إننا كلنا كومبارسات
مين فينا مكمل في مكانه
أو ضامن حد هيبقى معاه
أو عارف حتى طريق يمشيه
إن ضل طريق الحلم وتاه

أو إن الحلم هيفضل حلم
أو إنه هيبقى في بكره حياة
طب يعني إن مسك القلب ف حد
أو يعني إن حب
هيا لقي إيدين تفضل سانداه
أو قلب بيرفض رغم البعد
يزهد قلبه أو يوم ينساه
أنا عارفه قلبي قد الوعد
أنا عارفه عنيد جداً في الصعب
لكن عُمره ما يقبل أبداً
يكون كومبارس
طلع على مسرح دنيتكوا
.. يقدم فقرة
أنا قلبي عمره ما كان فترة

ولا ريست يقطع سكتكوا
والمشهد يقلب تراجيديا
المخرج مش عاجبه الفكرة
أنا يمكن بس إتشديت
أنا آسف إن كنت بكيت
أنا تايه جداً على فكرة
أنا يمكن محبوس في امبارح..
أو خايف جداً من بكره

لُقانا حياة

بنخطف للقا صدفة
تقوم الصدفة تحينا
وتحيي الضحكة ف عينا
فيرمينا الطريق ل بعيد
وتبعدنا الليالي كثير
ولا تقدر تنسينا
وننسى إزاي ملامح ناس
ساكنة من وقت الفراق فينا
يا ليالي اللُقا .. وحشتينا
بُضي لُقانا ف عنيكي .. وحشتينا
بنعمة عصفورين حَبَّوا عشهم فيكي .. وحشتينا
ف بترجاكي لتعودي
وتلبي ندا عودي

تعود وياكي ليالينا
تعود لمتنا من تانى
والحن فاللُقا أغانى
ساعتها لا هسكى ولا أعانى
وهنسى إن الزمن جاني
لأنه أصر إني أنساه
ف عودي ورجعيني معاه
يعودلي النبض من تاني
كالطير الي داق الموت
وفجأة إكتب له حياة
فاوعديني ف بكره نتلاقى
أوقات لقانا حياة

مسافات

أرواح بتشابه... فتدوب المسافات
وقلوب بتفهم بعض.. لو كل كلامها سُكات
ناس بتتلاقى صُدفه.. وتتفارق
والقلب دا دقاته.. عمّاله تتسابق
الروح متعلقة.. ولو الإيدين سابت
وهو من إمتى البُعد كان فارق
مسافات بتتضاعف وقلوبنا بتطيرها
أرواحنا تتلاقى والطير يغني لها
وكل يوم تسهر تبعت في دعاويها
تحضن نجوم ليلها
الروح وعاشقة الروح....
الروح وعاشقة الروح
ومهمهاش أسباب

وإن جت في يوم تسأل
عاجزة تلاقي جواب
يمكن تكون الروح
عالتانية إترسمت
ويجوز تكون روحهم
فالأصل روح واحدة...وبعدها إتقسمت
حلمت كثير الروح بالمعجزة وحصلت
أرواحنا إتوصلت ولبعضها إتشدت
ويجوز يكون السر
إنها حبت

حالة إدمان

رُكن مضلم وسرير وحيطان

والليل بيخيم كالعادة

والصرخة بتقوى بزيادة

بتتوه وتضل العنوان

يدخل كام دكتور بالدور

الأول فيهم يسأل:

فين العيان؟

إشتكى من إيه!

ف يرد الدكتور التانى:

حالة إدمان

طب حاجة تهدي أعصابه

ف يرد الدكتور التالت:

إدعيه تداويه الأيام

الصرخة من تانى تزيد
دكاترة إيه الى هتعجز
وتسيب الأوجاع الأيام
ولا حاجه هتقدر تمنعني
وصوت متقطع بيردد :
مين فيكوا لما هيسمعني
هيحس بحاجة بتوجعني!
ف بيجري يقوله:
إسمعني يا إبنى أنا الدكتور
ساعدني أخفف أوجاعك
شوية أسئلة منها هحدد
أول جرعة ؟
أول جرعة حسيت إن انا متشتت
طب ليه تجرب ؟

أنا كنت أبعد هي تقرب
خفت أتعلق لو قربت
قررت يومئذ إن أنا ههرب.. معرفتش
قررت أوريها عيوي.. شافتها مزايا
نورت الدنيا جوايا
خلتني أحب الأيام.. حسيت بأمان
لما قالتلى هتفضل جمبي
مستخسرتش فيها ساعتها
....تدخل قلبي
من يومها إتبذل حالها
كنت بقرب هي بتبعد
كنت بشوف صورتي
ف عينها وهى بتبهت.. وكأني سراب
آخر جرعة ؟ آخرها غياب.

هو سر ..!

في الكشف عن كلمة مشاعر
 قالوا أصل الكلمة .. شاعر
 هو عنده المعنى والتفاصيل
 وإتعددت فالشعر الأقاويل
 ما بين إن الحب دا شعور جميل
 أو إنه كسرة وليل طويل
 أوقات إيدين بتسندك لما تميل
 أوقات بيقلب الموازين
 كأنه نيل
 وتاه ما بين صفتين
 يا يكون معاك ضد السنين
 يا يشيّلك هم الجاين
 يا يكون طوفان من الحنين

ومعاه بُكى
هيعلمك معنى السكوت
مع إنه دمعك إشتكى
هو سر القلب شاله
جوه منه ولا اتحكى
ضعف منك ولا قوة!
والغريبة أنه جرحك
والدوا هو هو
الحب وبكل بساطة
بنت صبحت فجأه أم
الحب وبكل بساطة
شاب يتحول معاها
لطفل ييخطي فإيديها.. تاتا تاتا

لما كنت صغيرة

لما كنت صغيرة

كنت بشبه عيّل تنك

معروف عنه الألاطة

لكنه حابب الحياة

عاشها ببساطة

خطى فيها تاتا تاتا

تاht عنه في سحر السما

بص للنجوم ضحك

بص للغيوم بكى

حس بالتعب إشتكى

لما كنت صغيرة

كنت بشكى وكنت ببكى

كنت قادرة ساعتها أحكى

عارفة أحدد إيه بيوجعني

ووجعه فين

كنت فاكرة

إنه معنى الجرح دم

مكنتش أعرف إنه بكره

ومن سكات..هنزف حنين

ولا كان بيقدر وشي يضحك

وأنا قلبي دقاته أنين

لما كنت صغيرة

مكنتش أعرف يعنى إيه متحيرة

أو تبقى إيدى قصيرة

مش طائلة بكرة

أنا لسه فاكرة

الفرحة بالزينة

وفانوس رمضان
وونسي في اللمة
وفاكرة كمان لما
كنت بنام.. وبحضن الفستان
والفرحة بالعيدية
وأما أبات في ليلة عيد ميلادى
أحلم بالهدية
كنت بستغرب أوي
مالى بدندن للزمن يرجع..
أنا عاوزه أيامي الي جاية!
لما كنت صغيرة
كان حلمي أكبر
ولما كبرت
يمكن فهمت أكثر..

إتعلمت أسهر..
وأبات مشغولة أفكر..
وبدون أسباب ألاقي
مزاجي متعكر
فبدون تفكير أقرر
بأن الطفلة جوايا
لا هتكبر ولا هتعقل
ولا يوم هتتغير
قررت مهما كبرت..
يفضل قلبي صغير

حلم .. كالعادة

بتيجي ف حلمي تضحك لي

وييجي الصبح مش شايفاك

ملاحك لسة حافظاها

بدور في الوشوش عنك ..

ولسه بردو مش لاقياك

كأنك طيف بيندهلي

ومش شايفاه لكن سامعاك

رسمت كل تفاصيلك

ورصيتها في أحلامي

حكيت ياما في أوصافك لأيامي

مصدقونيش ..

وقولت يجوز هنتقابل

لقيتك فجأة قدامي بتضحك لي

بتندهلي.. ولما أنا جيت
أنت مشيت
أغمض عيني أفتحها
وأقول هو حلم كالعادة
أقول هنسأك فافكر فيك وبزيادة
وأنام أحلم بضحكة
قالتلى ياما كلام
بعيونك معدية
بترمي بشوق عليا سلام
لكن بردو أقول أحلام
وأتوه مع زحمة الأيام
فترجع تاني تظهر لي
في بالي سؤال
أنا بسهر ليالي كثير.. بتسهر لي؟

رسمتک

في ركن بعيد من الأركان
 رسمتك لوحة بالألوان
 حلمت بكل تفاصيلها
 وأتوه وأرجع أبص لها
 يجوز في البعد أحن لها
 كتبت عليها ركن أمان
 وعشان الصدق مع روحي
 كتبت دا كان.. كتبت زمان
 راهنت الكون دا كله عليك
 رسمت عنيك بكل الكون
 وشففت الدنيا كلها فيك
 عاندت كثير..
 حاربت كثير..

لكن وحدي

سهرت كثير..

وطال الليل..

وأنا وحدي!

ناديتك وأنت ولا سامع

قولت أنا همشى مش راجع

ضحكت عليا ولا صدقت

أديني صدقت ..

أديني مشيت

ومش ندمان على عندي

أنا الكسبان ..

وإن كنت خسرانة الرهان

ف من يومها .. وأنا سندي

ومن يومها .. وأنا عندي

إيدين في الوقعة عكازي

ومن يومها وأنا أقوى

وأناع الذكرى بستقوى

عشان مضعفش

أنا قلبي زهد قلبك

عشان ميخافش

مبيح بكش

مسحت دموع

كانت هربانة على خدي

وعدت جروحي إني أنساك

وخذت العهد على قلبي

ولا في القرب أكون شايفاك

ولا في البعد أشتاقلك

أنا فعلا نسيت شكلك

محيت من شكلي تفاصيلك

أنا مبقتش أحسن لك

ولا هكتب كلام لعينك

ولا تاني هغني لك

هشوف ضحككتك عادي

ودقات قلبي مش هتزيد

ولا هيفرق معايا إن كنت

قريب مني ولا بعيد

أنا دلوقتي قلبي حديد

مبيحسكش

متضحكلوش عشان ميياش كدبه عليه

لما يقول مبيحبكش

ضحكت خلاص !!

أنا كدابة متصدقش

فيها إحنا ..

فالزحام تاهت خطانا

ضلت الصدفة طريقنا

واللقا حلم ف مسانا

والفراق بردو يطاردنا

بس بكره جاى عيدنا

جاية أيا منا وفيها ..

فيها إحنا ..

فيها فرحة وفيها محنة

وفيها شدة هتختبرنا

فيها ليلنا وفيها فجره

فيها ضعفي وإنت ضهره

فيها سر ك أكون له بير

وكفاياكى يا دنيا ليل

جايّه أيا منّا تحقّق
كل أحلامنا الكثير
فجرنا هيساعي دعوة
طالعة من صبري الطويل
فجرنا شاهد دُعايا
ويوماتي بيوصل دُعاك
روحي دايماً جنب روحك
مين قالك إني مش معاك.!

حبيبي زمان

فرح.. معازيم

زغاريد بتزيد

الزقة تقرب

تخطفني ملامحه وهو بعيد

تتلخبط في دماغى المواعيد

وبينزف جرح بقاله سنين

وكأنه مجروح لسة جديد

حبيبي زمان

يشبه جدا تفاصيله

معقولة أنا لسة بحن له

طب لسة إزاي فاكرة ملامحه

هو أنا فعلا ممكن أسامحه

مانتفوقي يابنتي من الأوهام

دا مجرد واحد يشبه له
 هتعيشي لإمتى في حلم زمان
 وإحنا ما صدقنا نفوق منه
 يسرقني الفستان منهم
 قدام فاترينة... وإنت تحس
 إن الفستان خاطف قلبي
 فتقولي حببتي دا ليكي وبس
 يتقدم الموكب خطوات
 إشمعنا القاعة دي بالذات
 أنا ياما حكيتلك عنها
 وإن مكانها بيعجبني
 أنا ليه الذكرى بتتعبني
 ف تميل صاحبتني وتقولي ..
 ضحككتها الحلوة بتشبهني

وعيونها كمان بتشبهني

الشك يزيد ..

وأنا قلبي قال عامل يعني حديد

رافض يستسلم ويصدق

قولت لصاحبتني

إن أنا هسبق

وجريت وكأني

بهرت مني ..

لكن كان مكتوب يومها

شريط إمبراح يطاردني!

فض اشتباك

صدقهم إن قالوا ف زعلك
 إنها أيام وتهتدي
 ومنتزعلش إن قالوا ف يوم
 إنك نكدي
 متصدقش الي يقولك
 ياريت زعلك ييجي عندي
 صحيح أيام وتهتدي
 صحيح قلبك عمره عندي
 لكن الأزمة تعدي إزاي
 واهي ماشيه بتاخذ من روحك
 وقطر العمر يسرع
 ف تدوس عجلاته ع جروحك
 هتودع أيام أحزانك ... وتودع وياها روحك

وهتبدأ إنسان من تاني
يدوب يشبه منك شكلك
وخناقة كبيرة تقوم جواك
مايين عقلك وبين قلبك...
عقلك عنده حل مشاكلك
قلبك حالف دا يعانده
أصل الحل بتاع عقلك هيقطع قشة
قال فاكر إنها بتسانده
ف هييعت مرسال لعنده
وهيترجاه ميقطعهاش
هيقول له الدنيا من غيرها
صدقني يا عقله ولا تتعاش
هموت ف هموت ويايا
إنت وهو وكل اللي إتعاش

ف يرد العقل بكل هدوء
هتسمع كلامي بالذوق
وهتحرق القشة معايا
هنعيش أنا وانت وكرامته
دا سايبها أمانة ويايا
هصونها إن جيت عليه وعليك
مسألتش روحك مرة ف يوم
ليه سابها أمانة معايا
ومسبهاش ليك
ياما سمع لكلامك بس
وأنا قولت بلاش
قالى إنه واثق فيك
حبسنى وساب المفتاح ليك

ف سبته وراك وورا الأحلام
وجت أيام رجعلي كرامته متهانة
ورجعت إنت بتعيط
وإن كنت نسيت فأكيد فاكر
إنك أصلا متخيط
ف هتدخل إنت وتقول:
إتصرف يا عقلي علطول
دوسع الجرح اللي ف قلبي
ودوس على كل اللي جرحنا
أكيد الأوجاع مش هتطول
أكيد بكره ..
شايل حاجة هتفرحنا
القلب حزين كطير مدبوح
مين فينا طالع مش مجروح !

بس الأيام هتصالحنا
ونعيش أنا وانت وقلبي
في سلام هيصالح أرواحنا

قمر هاوي

طريق كل يوم يصعب

وحلمي سكته بتطول

وقمر في السما حالف

يرافق رحلتي علطول

وياخذ عتمتي للنور

ولاجل العلة في روعي

... صبح دكتور

بسمع ياما ف شكاوي

وف حكاوي

يشوف جرحي فيتوجع

وبيداوي

قمر هاوي

وعاش ويايا ع الحلوة وع المرة

يشوف عيبي مزايا كثير
يحولها ف عنيه درّة
مملش مني ولا مرة
ولو كان الوجد صرخة
ولو كان الوجود دا أصم
ولو مل البشر مني
وجوده جنب مني أهم
هيسمع مني حتى الهمس
وياخذ ليلي لصباحه
ويصبح هو نور الشمس

لساك أنا

بالرغم من بُعد الأماكن

لسه إسمك في الغُنا

لسه روحك بتشاركني الدندنة

بالرغم من إنك هناك

بالرغم من إنى هنا

لسه أقرب ليا مني

لساك أنا...

لسه روحك إيد تطبطب في الفراق

لسه دمعي حروف تكون إشتياق

وإنت ليا زي حلم

شافه عيل إبتسم

وأما حب الحلم

فعلاً فجأة فاق

والل سمع عالفرقة مرّة
غير الي داق
إنت أجمل لوحة ممكن تترسم
إنت نعمة جميلة جداً
وإنت أجمل إبتلاء
إنت يمكن زي داء
بيخرّجوا منه الدوا
الي أنا عارفاه أكيد
إنه إنت .. الهوا
وان الحياة دى مش هتمشى
إلا لو كنا سوا

نجمۃ فی السما

فی عز لیلی و وحدتی

تملی حاضنة مخدتی

ضحکتلی نجمۃ فی السما

وقالتلی بس إطمینی

قالتلی مش هتحتسی و حدة

إنتی واحدة تهمني

هبقى لیکی قلب صافی

مش هسیبک یوم تخافی

کانت زی حزن دافی

کل یوم بیضمنی

کانت أكثر شئ بیقدر

فی الوجود دا یحسّنی

کنت بقرأ من عنیها

قد أیه بتحبني
كانت نجمة في السما
بشوفها أحلى من القمر
كانت زبي بالتتام
بتعشق الليل في السهر
ولما جه الليل يقرر ينجلي
لقتني بقول وبأعلى صوتي
يا نجمة بس إتمهلي
مستعجلة ليه ترحلي
مع إني عارفه إنك بتلبي ندا
كان نفسي جنبني تفضلي
وتجيبني ضيك كل يوم وتنوري
وأشكي ليكي وأحكي ليكي
والأمان اللي ف حياتي أحسه فيكي

وشكل صورتي يبقى أحلى

لما تعكسها عنيكي

أنا عارفة إنه مش بإيدك

وإنك لازم ترحلي

وإن لو كان الود ودك

كتي جنبى هتفضلي

فاوعديني تبقي نوري

حتى بعد ما ترحلي

ندهت من قلبی

صحيوا عنيا ف يوم

على ندهة من قلبي

يطرح سؤاله هموم

ويقولي ليه تحبي

طردت عنيا النوم

ورجعت تاني أقوله

طب وإنك ليه تحبي

ولحيرتي تاني أرجع

ولشكوتي أسمع

ده أنا يوم ما جيت أخدع

خدعت إحساسي

ولما جيت أضحك

ضحكت على نفسي

وليه أقول ناسيه
وأنا قلبي مش ناسي
كفاياكي بقى الضحكة اللى بتداري
وإنتي هتقولي اللى بتحسي
الدمعة سهرانة تداري ف جفونك
والحزن على قلبك يتحامى ف جنونك
وشوقك الحيران مسكنه عيونك
وترجعي تاني
وتغمضي العينتين
وتدعي كام دعوة
وتكملي نومك

قلبي الحزين

قلبي الحزين يقول بخير..

مع أنه متقطع حثت.!

قلبي العبيط عامل بصير

مع إنه تايه ف السكك

أنا لما قلبي جه يعيط

شاف العيون بصت عليه

دارى دموعه عنهم ثم ضحك

وقال بعلو الصوت

متقلقوش..

متصدقوش..

لو قال بخير

القلب لو شايلى كثير

الروح بتدبل م الوجع

أنا قلبي طول عمره جدع

لكن المرادي فعلاً

مقدرش يحمي روحه م الأذى

بيواسي ناسه ف العزا

مع إنه أصلاً القتل

ياه يا ليل ..

إتدارى في سوادك

كام عليل ..!

إكتشف كام قلب فيك

إن عمره ما كان بخير .. !

نقطۃ فراق

عائش وبتلف ف دواير

دايرة دايرة مدو خاك

دايرة القلب إلی حاير

يا مين يدور لفته الكاملة معاك

واللقا نقطة بداية

بكره تصبح بعد لفة فراق

ف تدور في دايرة الإشتياق

وتجيبها في إلی اسمه نصيب

من إمتی كان عندك حبيب

ترسم معاه طريق جديد

لا فيه وجع ولا إشتياق

تهربوا م الدائرة ليه ... قبل نقطة الفراق!

ثم طارت

الحياة لفت ودارت
والسنين سندات خطانا تاتا تاتا
ثم فالتنا وطارت
وإحنا لسة زي ما حنا ؟
ولّا حدوتة وصارت
الصحاب لسه معنا ؟
لسه وسط الضحك
سامعينّا ف بكانا !
لسه لمتنا تفرّح
ولا هنتلاقي صدفة
لسه إحنا زي ما حنا
ولا ضعنّا في الحياة !
كنا نمشي ويّا صاحبنا يغني

صوتنا يقرف آه صحيح

بس بنغني معاه

والحياة بعدت طرقنا

مبقتش ليه سامع غناه

دا الحياة لفت ودارت

والسنين خطفت الحلو إيلي فينا

ثم طارت !..

عشانك إنت غشيم

ياللى بتسأل روحك كثير وتستعجب
إزاي تملي الوردة قادرة تسمعلك
وتملي رغم وجعها تلاقيها تضحكلك
برغم إنك لسه قاطفلها روحها
دايا بحواديتك بتدمي ف جروحها
وإمتى يدوملك فرح زيها وتعقل
وهو فيه زيها وش ما بيزعل
ما عشانك إنت غشيم ..
لو كنت بتحسّها ..
لو كنت شفت عنيتها وهي بتبكي الندى
ماكنت تتعجب ولا كنت راح تسأل
ساعتها كنت هتعرف
إنها بتزعل

وكتير همومها تزيد
ولا ترضى تحكيك
بتقول لروحها كتير
مانا أصلي موجودة
عشان هموم قلبه
تخف مش تتقل
وكتير بتداري منك وتتوجع
تكتم في روحها الآه علشان ما تتوجع
وعشانك إنت غشيم
لا كنت بتحسها
ولا جه في بالك يوم
إن الوجع لو زاد
الوردة راح تدبل !..

إنسان جديد

افتح شبابيك الأمل ويا كل نهار جديد
إبدأ نهارك بابتسامه تخلي يومك يبقى عيد
دور على الضحكة في حزنك
إضحك لنفسك في المراية
تلاقيك بقيت .. إنسان جديد
وساعتها بس هتقتنع
إنك إنت أساس سعادتك
وحدك بتتحكم في حالتك
يا تموت ضحية حزن أسرك
وهم بيكتر مشاكلك
يا تعيش بضحكة تبقى عادتك
ضحكة بتجدد سعادتك
تلاقيها في لمة حلوة وسط عيلتك

تصريح خروج معاك لضيقتك
بسمه صادقة تحلي سيرتك
وبقي لبكرة صفحة جديدة
وخلي نهايته بداية سعيدة
وبريشتك وبألوانك
لون بكرة بلون أحلامك
وافرح علشانك تستاهل
دي الضحكة مخلوقة عشانك

شماعة

كل القلوب مرضى
ووشوشكوا خدّاعة
أنا عشت طول العمر
ف مرضكوا سمّاعة
أسمع لأوجاعكوا
طب قلبي شاكي الوجع
ليه قولتوا دي إشاعة
أنا عشت في حياتكوا
بالظبط شماعة
بتشيل في أحزانكوا
دلوقتي زاد الحمل
دلوقتي بقى فينكوا ؟
قولولي مين منكوا

هيكونلي شماعه
مين فيكوا سماعه
تتحط على قلبي
تسمع في أوجاعه
أنا قلبي ساع الكل
ولا حد فيكوا ساعه
كل البشر حواديت
وأنا عشت أسمع بس
ولا مرة ليكوا حكيت
أنا أصلي كنت نسيت
إنى بشر وبحس
ولا حد فيكوا حس
أنا قلبي أصله عبيط
وإنتوا قلوبكوا جبس

ونسي في الوحدة

ولأول مرة ألاقي
ونسي في الوحدة
يمكن بقيت واحدة
ميهماش إنسان
يمكن بقيت واحدة
مبقتش تدي أمان
والقلب دا غلبان
يمكن تقولوا كئيب
أو كسره بعد حبيب
فكرتوا إنتوا ف يوم
أنه يكون تعبان
أو لسه متعودش...
ع السرعة في النسيان

قلبي الي كان عشان
كثير أوي فيكوا
قرر ميحتاجشي
لوجود معاليكوا
وبرغم إنه وحيد
بقى أقوى ميت مرة
لما بقيتوا بعيد
وعشانه قلبي عنيد
من جوه متكسر
من بره قلب حديد
ف أمانه لتسيبوا .. كل الدموع تنشف
كل الجروح تدبل
ولو صدر الفراق حُكمه
ماتسيبوا جرح جديد

أول وطن

يا أول وطن ليا
يا بير على قد أسرارى
يا لمعة فرحة في عنيا
تحلى الدنيا في مراري
بتقطف لي بإيديها الورد
ويجرح إيدها صباري
بتمسح لي دموع عيني
وييجي الليل
تنام عيني
وهي دموعها تتحرر
تبات في همومي أنا وتسهر
ف يا أمى أنا عارف
أنا مقصّر

ولو أوهب كل الشعر لعيونك

حروفي عاجزة

لا توفي ولا تقدر

قلمي يصرخ صعب أعبر

شعريه الى هيو صف حبي ليكي

دا كل حاجة حلوة فيا

هي حلوة عشانها فيكي

عاشق

عاشق بلا جناحات
طاير في ملكوتك
عازف على الأوتار
ولحنه من صوتك
عدى بحور الكون
غرق على شطوطك
وحده الي شاف الضعف
وراستر جبروتك
تفضح عنيكى السر
وتبوح به في سكوتك
وازاي وأنا موجود
تتجراً الأحزان
وتطوف في لياليكي

هاتي حزنك كله ليّا
الحُزن مش لايق عليكي
مهها هتداري الزّعل
قلبي بردو هيفهمك
نبضه راح يحس بيكي
قلبين وهو النبض واحد
وروحى أصلا ساكنة فيكي
وما دام كمان العمر واحد
ف وعد مني كله ليكي
وإن تتوه منك ملامحك
في كل تفصيلة في ملاحي
.....هتلاقيكي

عاشته جوايا

ولإنك عايشة جوايا

وأنا روجي بقت فيكي

وأبيع الدنيا دي في ثانية

وأشوف الضحكة في عنيني

ويوم ما تقولي نتحدي

تلاقي إيديا في إيديكي

فلو قلمي هيكتب شعر

حروفه تنحني ليكي

وعشان انتي عاشقة الشعر

تعيشي وتكتبي ليّا

وأعيش وأغني لعنيكي

وتدومي تسكني فيّا

وألحن غنوتي ليكي

وتبقي الضي لعنيا
وتكمل فرحتي بيكي
يا كل حاجة حلوة فيّا
نقصي يكمل بس بيكي
هتفضلي أحلى هدية
وفجر بكره هشوفه فيكي

إياك تغيب

يا شمس في ضلها
ببرد وبقى وحيد
وجودك جمبي بيدفي
ونورك بلمسه بكفي
برغم إن انتي ساكنة بعيد
تطلي عليا م الشباك
وتديني تملي وعود
وبرغم إن ما بنا عهد وعتودي
بسلم إن الغروب موجود
ومها مسكت في شعاعك
مسيره يسيب
وهتدوبي في ركن الكون
وتبقي بعيد

ف مش عاوزاك تكون لي شمس

لو الشمس مسيرها تغيب

وعشان لقيت جواك وطن

طبيعي جداً..

أكون في البُعد عن وطني غريب

إنت الحياة..

شمس وقمر..

إياك تغيب..!

سكتة فراق

آخر دقائق في اللُقا
الروح بتبكي من سُكات
الدمع رافض ينفصح
نقوم نداري حَمَار عَيننا
في نضارات
السؤال هو هو في العَين
هو إمتى الوقت فات !
العقل بيصارع
والقلب يمثّل ثبات
لملم بواقى الذكريات
دالوقت الي عاش فيّا
صعب أسلّم إنه مات
ف بلاش دموعك في البعاد

دموعي عمرها عنيدة

وف ثانية نسيت العناد

غرقت في دمع عينك أوام إستسلمت

رفعت رايات بيضة

وداريننا دموع عينا

رسمنا الضحكة من برة

اليوم خلص..

ومن جوا صراع وحناق

كارهة ف بكرة الإشتياق

آخر دقائق في اللُقا..

أول خطى في سكة فراق..!

إنت أنا

شفتك أكيد قبل كدا..

بس إمتى ولا فين !

إتقابلنا صدفة يومها

حسّيت كإنى عارفة قلبك من سنين

دعيت تكمل .. تبقى جنبى

رد قلبي أوام ساعتها وقال آمين

حكالي عنك وقال لي إنك.... حاجة حلوة

أيوه إنت زي غنوة

أسمعها ف الأحران تروح

وقلبي بالأسرار يبوح

إنت روح وساكنة فيّا

حاجة حلوة جوه منّى

تحلى في الدنيا لعنيا

حد واحد لخص الدنيا في وجوده
قشاية واتعلقت بيها ..
لقيتها مربوطة ف أيديا
مبقتش فارقة إنت مين
يمكن تكون في امبارح الذكرى
شمس الشروق بكرة
إنت الوطن وإنت إحساس الحنين
إنت اللي جاي من السنين
صورتي عكساها العينين
إتلاقينا توهدنا دوبنا ف بعضنا
وبقينا فجأة حاجة واحدة
مش عارفة أفرق....هى إنت ولا أنا
تدوم هدية من هدايا ربنا
..تدوم أنا

دمعة

يا دمعة من عيون الحزن
بتجرحي ليه في أجفانهم
بكفاية الدق على بابهم
ف صُبِّي الدمع في عيوني
زوريني وخففي عنهم
وهي الضحكة مخلوقة لمن غيرهم
كل نجوم السما دي آخدة من نورهم
وهان عليك يا حزن
تطفي في لمعانهم
ف تنزف قلوبنا وجع
أول ماتجرحهم
تبكي عيون الليل
لتنهيدات روحهم

قادرة دعاوي القلب

تداوي في جروحهم

يطلع لبكرة فجر

مليان بأفراحهم

بحن لك

الشمس في غيابك ناقصها الدفا

حتى الشجر عاجز يكون ضل

والود من غيرك بحسه جفا

حتى القمر بطل في ليلي يطل

صوت البلابل في البعاد

يشبه لصوت البُكا

فالشكر للأحلام

لو هتروي عطشنا ليهم

وتطول ساعات الليل

لو هتجمع روحنا بيهم

وتموتي يا مسافات

لو تحرمينا من عنيتهم

فلا تضل الطريق تاني

ولا تسبني ف زحمة وحيد
ولا تفوت قلبي وحداني
ف يهجرني ويمشي شريد
تروح روحي وقلبي بعيد
دا انا قلبي بدونك
يشبه لعل تايه ف زحمة عيد
الناس كثير حواليه
لكنه برده وحيد
وأنا قلبي في الوحدة
لساه يناديلك
ويعيد كلام قولته
وفي لحن مواويلك
قاعد يغنيك
متفوتنيش أنا وحدى

وحدى بحن لك
وبشوف وشوش الناس
تشبه تفاصيلك
بس أما يوصلك مع الحمام صوتي
ساعتها هيقلوك
وهيقل يحكلك
إزاي وإنت بعيد ...
لساك قريب مني
إزاي وإنت معايا..
بردو بحن لك

تحت عنوان الظروف

الإسم فزورة

والحل مش معروف

بطلتنا عصفورة

ومرضها هو الخوف

جناحاتها مكسورة

بسببها عاجزة تطوف

وعشائها برّة القفص

حسدوها ع الحرية

وهي مأسورة

حسدوها ع الفرحة

ما الضحكة ف الصورة

دايماً بتتمنى

لو حسّوا يوم خوفها

أو قدّروا ظروفها
عصفورة برة القفص
لكن أسيرة خوف
صنعت حيّطان سجنها
تحت عنوان الظروف

وحداني

وبننسى إزاي إننا جينا
وإننا رايجين م الدنيا دي لو حدنا
ونعيش فيها حياة مكفوف
محتاج للناس
نستنى إيدين تاخد إيدنا
وعيون غيرنا تعدي طريقنا
ولإمتى هنجيب كومبارس
ويقوم ببطولة حكايتنا
بكفاية ناس بقلوب زايقة
بس حقيقي أنا مش خايفة
إن كنتوا معايا أو كنتوا بعيد
أنا أصلا بالفطرة وحيد
ما ف عز الخنقة الي أنا فيها

مش شايف حد
واللمة عشانها كدابة
فجأة بتنفض
وأرجع من ثاني وحداني
أسألني وأرد
وأطبطب على قلبي بإيدي
وأسمي عليه أما يتخض
راح أكون لي أقوى قشاية
مش هحتاج حد
راح أشد الشمس وبإيديا
لو إيد تتعب الثانية تشد
الحلم ولو يبعد عني
راح أهد عشانه الحيطه السد

فوبيا غياب

يا جفون صاحبة
والناس نايمين
تشكيلي حنين
تنزفي ف دموع
صوتك مسموع لمخدة وبس
ما هو لو بيحس
كان حس بُكاكي
ولا ساب ناره تقيد جواكي
كان قالك م الأول إنه
هيفارق بعد ما يلقاكي
ويضحى أول ما يضحى
هيفضحى بحبك وهو اكي
ويوم وإثنين ويحس حنين

وهيخدع بكلامه رضاكي
يتعاد كسيناريو يوماتي معاه
ويبيع ويعود لهوايا هواه
قال فاكر علشان حبّاه
راح أكون كعروسة في خيوطه
يفرح يسمح لها تضحك
يغضب ف هترضى بجبروته
أنا قلبي إن سابني وراح وياه
فأنا مش عاوزاه
ما هو ياما إشتكى لوجودي معاه
وعارفني أنا عندي فوييا غياب
ويا قلبي أهو غاب
وحلفت لتفضل ماسك فيه
ونطير بجناح نوصل لسحاب

وصلنى لسابع سما في الحلم
وبعدين ساب
أصلا عادى وقلبي نساه
مش وقت عتاب
هيكمل قلبي بدونه حياة
من غير أوجاع ولا فيها عذاب
إغفر لي يارب..
أنا أول مرة أكون كذاب

إوعاك تكون زيهه

كثر الوجع في القلب

بيعلم القسوة

فعل الشروع في البُكا

ربطوه ب نون نسوة

فإبكي ف حضن الليل

في النور تبان أقوى

وإضحك بقلب عليل

دا الضحك دا عدوى

و بكره تبقى الضحكة

طالعة من جوه

وإضحك في وش الوجع

خليك يا قلبي جدع

دا الدنيا دي بالبشر

والله ولا تسوى
وإو عاك تكون زيهم
تجرح ولا تداوي
وإو عاك تكون هاوي
ترحل ولا تودع
أو ير حلوا هما
وتجيلي تتوجع
في قانونهم الظالم
الحب + ثقة = جرح كبير
وإنت إنجرحت كثير
ف بلاش تكون جارح
وإنسى أسي إمبارح
وإسرح بقى ف بكره
ونصيحة علشانك

لا تحب ولا تكره
ولا شئ في كل الكون
يكون معاك فارق
ولا يوم تكون عاشق
ولو في نص البحر
مسكت إيديك قشة
سيبها وموت غارق
قبل أما تغدربيك
بعد أما ترخي إيديك
هتسيبها وتفارق

متعلقش

هتفهم إمتى يا عبيط إنت
 إن إنت بس اللى باقيلك
 وهتغرق قدامهم بردو
 ودراعتك وحده اللي يشيلك
 كام واحد منهم كان قالك
 هيكون جنبك
 قبل ما هتشاور هيجيلك
 ويقول مواويل ويغنيك
 وبضحك على قلبك بيهم
 ف تحس ساعتها إنه حبيك
 وف أول لحظة يبان ضعفك
 هيقوى عليك وهيسيك
 فإتعود بس متعلقش

وعود قلبك ميصدقش
ميتعودش على وجود حد
هيصير الكل فراغ شفاف
في وقت الجد
ولو خبت وحببت قلب
وقالك قد أيه حبك
وحتى ساعتها إن جالك
قوله الحب مش للوصف
سيبنى أشوفه في أفعالك
ف وقفة بجد وقت الجد
وسندة لحيطتي لو مالت
ف كوكنك شمس وقت البرد
حلمت كتير
خلاص بقى فوق

ووصل الحلم للطيران
وطرت لفوق
لقيته ضباب
مفيش لك شمس
هتفضل وحدك البردان
صويتك كله يخرج همس
كلوحة سرقوا منها الألوان
وضحكة باهتة فوق الخد
فكونلك كل شئ جاز
متحتاجش ساعتها لحد

بره السور

ف وسط جزيرة مهجورة
أراضيها متحاوطة بسور
بتعيش بنوثة صغيورة
بينها وبين أحلامها بحور
فضلت فاهمة من حواديتهم
إن الكون دا نهايته السور
لو يوم تخرج من دنيتهم
يمكن بره تقابل غول
أو بعديه متشوفش النور
قالوا يسيبوا فأيدها الفرشة
أصلها مش هتعدى البحر
لما هترسم بيها جسور
قالوا يسيبوا معاها قلمها

تكتب بيه أحلام طفولتها
في شكل سطور
وأهو يرتاحوا من دوشتها
ولا يخافوا حقيقة سذاجتها
وفات الوقت
وصارت بنت في العشرين
فرشتها صارت صاحبها
وقلمها بيعس حيرتها
ليه أنا وانتوا جوّة السور
بصت شافت سرب طيور
قادر لسة يعدي السور
وبيرجع تاني لدنيتهم
من غير ما يقابله الغول
قالت تتعلم م الطير

رسمت سرب من العصافير

قادر لسة عالطيران

وبرغم حبها للألوان

حياتها مش فيها ولا لون

عدت لحظة عليها سكون

طافت فيها نواحي الكون

عرفت إنه نهايته حياة

صرخت قالت أنا راح أكون

وبكرة هيبقى ..

زى ما قلبي بيتمناه

إنتِ الأهم

كان قد إيه قاسي
لما فجأة يحولك
من شيء أساسي في دينته
من دينته ...

لغبار مبعثر م العدم
كان قد إيه صعب الألم
لكنّه فجر قوتك
بضحكة ثابتة كالصنم
بتداري فيها كسرتك
إيدك بذاتها ضمتك
قلبك معاكي فأزمتك
حالف يكمل سكتك
رغم الجراح والههم

حالف لترجع ضحككتك

بعد الزعل والغم

ويا ريت بقى تتعلمي

إنتي الأهم

إسمعي روحك ب روحك

لو يصير الكون أصم

أكون هي

كنا بتتغير بالراحة

كنا بتتغير من جوّة

و في لحظة صارحني بنبرة جد

إني مبقتش خلاص هو

ولا هتفعل أمّه في وقت الجرح

ولا بشبه بنته في ضحكة وفرح

أنا ماضى أو ذكرى حزينه

بتضحك أوقات ف تبكي

حدوتة حافظ تفاصيلها

مع ذلك عاجز تحكيها

هتعدى سنين ..

يمكن أوقات هتتحس حنين

للذكرى مش ليا أكيد

وأنا بردو هحن
وهشوفك دايمًا حواليا
هتاخذنا الدنيا لدنيا بعيد
وبكرة يا واد هتحب جديد
يا ترى هتقولها ايه عني
قولها إنك كنت أخويا
وكنت أبويا
وقبلهم إبني
وإني منفعتش أكون لك أم
قولها تبقى أحسن مني
قولها لما أقسى إنتي تخني
وبلاش إنت تقسى عليها
وتسيبها لغيرك يوم تشكي
أو تداري في يوم منك

لاجل ما تبكى
سبيها تحكي وتشكي لك
من غير ما تقولها
هنكد أو يلا هنام
أو مش عاوز كتر كلام
حسبها بإنك ركن أمان
في وقت الخوف هتجري عليه
وتداري م البكاف عنه
وتهرب منه تهرب ليه
ساعتها وبس ..
هقول العيب كان فيا
وهتأسف ..
وأكون هي ..!

مركب في وسط البحر

أنا قلبي بقى يشبه
مركب في وسط البحر
وأنا سبت مجاديفها
ضاعت خريطة البر
وأنا ماشية ورا طيفها
يرضي عني البحر
تقوم ترد السما
أوام بعواصفها
أنا زهدت البرد
وفي إنتظار صيفها
مركب في وسط البحر
والخوف بقى ضيفها
الموج بيتآمر.. حالف يغرقها

والبحر فيه قرصان ..
بيحوم ل يسرقها
مركب بلا قبطان..
مركب بلا مجاديف..
أنا أصل قلبي خفيف
وعنيد في نفس الوقت
لا سايبني أجدف له
ولا راضي يقبل حد
أنا قلبي باني سد
ورا كل خطواته
وبرغم كونه حزين
فضفضته في سكاته
في كل أوقاته
حالف يلاقي البر

أنا قلبي بقى يشبه
مركب في وسط البحر
أنا قلبي كفر بالسحر
والحب من نظرة
والبحر دا سكاّنه
أصلهم سَحَرَة
ياما مراكب هنا
غرقت ..
وياعيني إتشدت
ياما مراكب هنا
حبت وما تحبت
شافت عذاب ألوان
وأنا قولتها في الشعر
مرة زمان ..

أنا قلبي مش فترة
عشان كدا طريقي
ميمش هوش سحرة
أنا قلبي بقى يشبه
مركب في توهانه
وأنا قلبي مهما تاه
هيا لقي عنوانه
واقفله عند البر قلب قبطانه
وأنا مهما شفت قسا
عمري عليه ما أقسى
مركب في وسط البحر
مشتاقة للمرسي
ومهما شافت موج
مسيرها يوم ترسي ...

الفهرس

٧.....	فرصة ثانية
١١.....	معاهدة سلام
١٥.....	رصاصة غدر
١٩.....	عَهْد
٢٢.....	شمس وقمر
٢٥.....	قلب ورق
٢٨.....	كومبارس
٣١.....	لقانا حياة
٣٣.....	مسافات
٣٥.....	حالة إدمان
٣٨.....	هو سر ..!
٤٠.....	لما كنت صغيرة
٤٤.....	حلم .. كالعادة
٤٦.....	رسمتك
٤٩.....	مبيحبكش
٥١.....	فيها إحنا ..
٥٣.....	حبيبي زمان
٥٦.....	فض إشتباك

٦١.....	قمر هاوى
٦٣.....	لساك أنا
٦٥.....	نجمة فى السما
٦٨.....	ندهة من قلبى
٧٠.....	قلبى الحزين
٧٢.....	نقطة فراق
٧٣.....	ثم طارت
٧٥.....	عشانك إنت غشيم
٧٧.....	إنسان جديد
٧٩.....	شماعة
٨١.....	ونسى فى الوحدة
٨٣.....	أول وطن
٨٥.....	عاشق
٨٧.....	عايشه جوايا
٨٩.....	إياك تغيب
٩١.....	سكة فراق
٩٣.....	إنت أنا
٩٥.....	دمعة
٩٧.....	بحنيك
١٠٠.....	تحت عنوان الظروف
١٠٢.....	وحدانى
١٠٤.....	فوبيا غياب

- ١٠٧.....إِوَعَاكَ تَكُونُ زِيَهُم
- ١١٠.....مَتَتَعَلَّقَشْ
- ١١٣.....بَرَهُ السُّورِ
- ١١٦.....إِنِّ الْأَهِم
- ١١٨.....أَكُونُ هِي
- ١٢١.....مَرَكَبٌ فِي وَسْطِ الْبَحْرِ



رسالتنا في المكتبة العربية للنشر والتوزيع:

نشر كل إنتاج إبداعي بجودة عالية وأفكار أصيلة تعبر عن هويتنا العربية وتاريخنا العريق، حتى لا ينزف الوعي من ثقوب الذاكرة، بأعمال تحترم قيم مجتمعنا ومعتقداته، لا تساعد في نشر العنف أو العنصرية، ترسخ لمبدأ المساواة والحرية والعدالة، والسعى نحو الارتقاء بالأدب العربي في كافة مجالاته، والوصول به نحو العالمية.